

6) Դպրոցական խորհրդակցութեան քննութեան ենթարկուած են դրպրոցական գործին վերաբերեալ օրինագծերը. այլ և այն բոլոր հարցերը, որ մինխտորը հարկ կը համարէ նրա քննութեանն առաջարկել:

Մանօք. — Հանրային կրթութեան մինխտորը իր օրէնսդրական առաջադրութիւնների մէջ Հայաստանի Սորհրդին ներկայացնում է դպրոցական խորհրդակցութեան թէ մեծամասնութեան և թէ փոքրամասնութեան կարծիքներն ու եզրակացութիւնները:

7) Եթէ Հանրային կրթութեան Մինխտորը անկարող է ներկայ դտնել դպրոցական խորհրդակցութեան նիստին, նախագահում է անդամներից մէկը՝ խորհրդակցութեան ընտրութեամբ:

(Հաստ. սեպտ. 11-ին 1918թ.)

Հայաստանի խորհրդի անդամների սննդադրամի և ֆանայարհաժախֆի մասին. — 1) Հայաստանի Սորհրդի անդամներին սննդադրամ է տրուում պետական դանձարանից ամսական իննը հարիւր բուբլի, հաշւելով ամիսը 30 օր: Սննդադրամը վճարուում է երկու նւազ՝ իւրաքանչիւր ամսի 15-ին և վերջին:

2) Սննդադրամը տրուում է Սորհրդի անդամին պատգամաւորական լիազօրութիւններ ստանձնելու օրից սկսած մինչև այդ լիազօրութիւնների վերջնաւր:

3) Սորհրդի անդամներին պետական դանձարանից հատուցուում է ճանապարհաժախք իրենց բնակավայրից մինչև Երևան երկու անգամ միայն, առաջին՝ երբ նրանք գալիս են մասնակցելու Սորհրդի աշխատանքներին և երկրորդ՝ երբ վերջանում են նրանց պատգամաւորական լիազօրութիւնները: Ճանապարհաժախքը հատուցուում է՝ իրօք կատարած ծախքը: Հատուցելիք ճանապարհաժախքի գումարը որոշելիս հաշւի է առնուում միմիայն Հայաստանի Հանրապետութեան սահմաններում արած ճանապարհաժախքը:

4) Սորհրդի կարգադրութեամբ Երևանից դուրս որևէ յանձնարարութիւն կատարելիս՝ պատգամաւորը ստանում է պետական դանձարանից ամբողջ ճանապարհի ծախքը, այլ և օրապահիկ—օրական 20 բուբլի Հայաստանի Հանրապետութեան սահմաններում և օրական 30 բուբլի՝ արտասահմանում:

5) Սորհրդի անդամի մահւան դէպքում նրան հասանելիքը վճարուում է ընտանիքին. պատգամաւորի մահւան ամսի սննդադրամը վճարուում է ամբողջ ամսի հաշւով:

6) Սորհրդի անդամը չի կարող վարել որևէ այլ պետական և կամ վճարովի հասարակական պաշտօն:

7) Առանց յարգելի պատճառի (Հայաստանի Սորհրդի ներքին կանոնադրութեան 184 յօդ.) բացակայած Սորհրդի իւրաքանչիւր նիստի համար պատգամաւորը զրկուում է օրահաշւով սննդադրամից. այդ գումարը հանւում է պատգամաւորին հասանելիք սննդադրամից վճարման մօտակայ նւազում:

8) Սորհրդի նախագահին, բացի պատգամաւորական սննդադրամից, տրուում է պետական դանձարանից ամսական վեց հարիւր բուբլի ներկայացուցչութեան ծախքերի համար:

(Հաստ. սեպտ. 20-ին 1918թ.)